

T5236.7 / 2213

12

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

MAR 14 1932

皇明文徵卷十四

七言古

晉江何喬遠和春選

緒紳

豐坊

春遊曲

十旬風雨清明節昨夜窓前見新月喜謂春晴  
可出遊平明携尊南陌頭陌頭不見花開處城  
中城外多棠樹棠樹連天綠美濃落花盡在春

皇明文徵卷十四

晉江何喬遠稗孝選

哈佛大學哈佛藥宗  
圖書館珍藏印

七言古 二

縉紳

豐坊

春遊曲

十旬風雨清明節昨夜窓前見新月喜謂春晴  
可出遊平明携尊南陌頭陌頭不見花開處城  
中城外多業樹業樹連天綠葉濃落花盡在春

泥中春泥浩蕩從馬踏香魂宛轉蹄躑躅看花  
淚眼忽潜然人生安得長少年

顧夢圭

鄆縣行

入城半里無人語枯木寒鴉幾茅宇蕭蕭酒肆  
誰當壚武清西來斷行旅縣令老羸猶出迎頭  
上烏紗半塵土問之不荅攢雙眉但訴公私苦  
復苦雨雹飛蝗兩傷稼春來况遭連月雨絲城  
之西多草場中官放馬來旁午中官占田動阡

陌不出官租地無主縣中里甲死誅求請看荒  
墳遍村塢

珠池歎

廉州有平江青鸞楊梅池雷州有樂  
民池產珠地也 先朝率十五

六年或十年一採始得美珠上供邇  
者三年再採珠已竭矣所得皆碎小  
藩臬有司並受詰責不知此物生息  
甚難取之太頻安得圓美每採費舟

後兵夫以萬計頑悍之民因緣爲盜  
今雷廉凋敝已極採取不止將有他  
虞余承乏攝此事倘議復採當疏聞  
聖明必不以無益害有益也

漢家嬪嬙無麗飾南海逍遙養泉客昭陽新寵  
鬪新粧照乘殊珠苦難得孟嘗美政龔黃班只  
今人怨珠來還璽書三年兩頒降驪龍赤蚌皆  
愁顏往時中官涖合浦巧徵橫索如豺虎中官  
去後璽書來誰訴邊陲無限苦野老村童不着

禪四山戎馬夜紛紛竹房無瓦餅無粟猶折山  
花逐使君天地精華易消歇不見虹霓片時滅  
賢哉魏絳辭梗陽絕勝隋侯玩明月

感事四首

昭陽前殿玉樹枝榮華不柰秋風吹慶雲甘露  
永乖隔鳳管龍簫增我悲千金買得相如賦豈  
識人心難轉移君不見楚江文鱗巧相接復使  
龍陽淚承睫

長安一日封五侯輝煌華轂擁貂裘明珠萬斛

來海嶠朱邱何人中夜投羊公緼袍徒寂寞趙  
生擊筑歌伊優君不見卽且甘帶鴟嗜鼠雲際  
龍鸞自翔翥

鸞旌孔盖幸汾陰丹霞紫霧瑤壇深陽靈千宮  
儼簪紱太乙招搖皆顧歆處妃揚驢玉女笑穰  
穰降康萬福臨君不見通天洪臺耀日月未得  
金莖調絳雪

畫戟門前車馬稀東市洒血沾朝衣雙眸只辨  
斗間氣中台轉盼無光輝華亭清淚如哽咽月  
中空喚行人歸君不見法家火甕吁可怖他年  
恐墮匡州戶

任別駕環攝篆吾邑愷悌清儉日饌惟  
束蔬賦此紀之

江南雪後長春蔬摘入筠籠薦午厨沃以廉泉  
且爛煮盧公謾詫蒸葫蘆翠釜駝峯自豪貴蕭  
然官舍常懸魚莫笑此中滋味薄蓴絲苻帶皆  
真腴何家萬錢亦何益一餉已剝貧民膚不如  
朝暮飽苜蓿清夢却與羲皇俱關西伯起今再

觀口碑滿路良非諛鼎鼐鹽梅自此始老圃跂望青雲衢

唐順之

楊教師鎗歌

老楊自是關東客短衣長軀棗紅面千里隨身丈八矛到處尋人鬪輕健謂余儒生頗好武一揖滾滾發雄辨坐驚平地起波濤蠕蠕龍蛇手中現撥開雙龍分海嬉攢簇兩蛇合穴戰爭先儘教使機關縮退誰知賣破綻日上申眉

左傳事

猶自晒綿中裴鈇那能見滿身護着不通風百步攏來激流電飛上落下九點丸放去收回一條線問君何爲技至此使我憑軒神眴眩答言少小傳授時五步七步畫地踐邇來操弄三十年渾身化作枯樹榦心却忘手手忘鎗眼前只見天花旋乃知熟處是通神解牛斫輪安足羨因君亦解草書訣君鎗豈讓公孫劍

峩嵒道人拳歌

浮屠善幻多技能少林拳法世希有道人更自

出新奇乃是深山白猿授是日茆堂秋氣高霜  
薄風微靜枯柳忽然豎髮一頓足崖石迸裂驚  
沙走去來星女擲靈梭夭矯天魔翻翠袖甜談  
含沙鬼戲人鬚鬚磨牙贊捕獸形人自詫我無  
形或將跟絰示之肘險中呈巧衆盡驚拙裡藏  
機人莫究漢京尋撞未趨捷海國眩人空抖擻  
翻身直指日車停縮首斜鑽鍼眼透百折運腰  
盡無骨一撒通身皆是手猶言技癢試賈勇低  
蹲更作獅子吼興闌顧影却自惜肯使天機俱  
洩漏餘奇未竟已收場息無聲神氣守道人  
變化固不測跳上蒲團如木偶

古北口觀降夷步射復戲馬馳射至夜

潮河北來幾千里夾岸穹廬雜軍壘傳聞漢官  
旌節至驚咄歡迎競羅跪抹額貂皮并繫腰胡  
婦赤脚胡兒履中有老胡能漢語辮髮一條銀  
鼠尾告言天煖弓力弱箭槩乞移三四咫蹲腰  
擲日滿彎狐箭箭齊奔月兒裡當軒賜與錦纏  
頭漢人喝采胡人喜自矜長技正未竭一躍上



馬事馳突珠帽半仄賣歌邪鐵驄嘶弄餽飭  
可憐人馬如爭巧人藏馬腹馬人立翻身倒臥  
馬背上馬尾鬃鬆亂人髮忽然馬去不聞聲一  
路驚塵向空沒蒲眼流星透烟霧道是胡兒飛  
箭發想見天山射鵬時意氣雄豪誰可越騎歸  
人散悄無諠卸却牙旗捲秋月

皇甫湜

翠華歌奉寄白巘喬司馬

翠華遙在鍾山側五雲松栢空愁色長升街頭

飛落花秦淮樹上啼早鴉鴈門旌旗塞江口蛾  
眉哭聲徹南斗翩翩漁獵百草長紫鱗白額隨  
龍驤赤心將軍射鵬手馬上彎弓天子傍京塵  
北風暗麟玉梨園子弟爭馳逐彭蠡中丞思赤  
松留都司馬哀黃竹御苑朝天楊柳垂錦纜牙  
檣那得知寄書惆悵話王室一夜秋風鬢欲絲

薛應旂

慈谿父老追送姚江書此諭還

谿邊有茅屋湖上有桑田從來長子孫不識縣

門前近來官府征科急時向街頭抱兒泣余亦  
何能寬汝憂扶杖百里隨行舟但願汝歸訓耕  
織輸將剩下克衣食

康朗

長安道

長安道上風瑟瑟紅塵入天馬蹄疾西街車騎  
如簇雲翩翩時傍禁城出聞道中元八月時太  
平

天子萬壽期詔書戒日開金殿玉帛  
萬國同來儀九重淵穆不可見東朝賜宴復賜

餞微誠不及叩關門遙望高玄鬱葱菑歸來束  
帶更垂裾青雲府裏見尚書門吏傳呼如咤叱  
羣公衣烏共赳赳吁嗟貧士羞頰仰束帛何曾  
謁權府黃金買笑嗤世人一言不合主者怒主  
者怒猛於虎貴賤賢愚何須數古來開閣重禮  
賢詎必令人棄如土君不見長安市上一巫生  
流落祗誦三元經騎雲舞鶴來天上腰金曳綬  
爲公卿一時王侯傾揖讓片言高下生辱榮嗟  
乎逢怒爾亦免千金奉道天爲轉

王問

春夢婆詠蘇子瞻事

春夢婆柰爾何東西京洛逋相過陌上才人細  
馬馱邀入畹里臙脂坡甲第干霄勢崖峨朱門  
大誰虎皮鞞連房結駟紫玉珂主人金張儀委  
蛇早年名籍通馭娑晝日承恩錫拳駟禁庭闌  
入莫敢訶庭下食客肩相摩吐嚼珠麝論懸河  
東風吹動珊瑚柯乳鶯啼花墀日和高堂綺筵  
金叵羅翠盤紫峰剗橐馱軒炙猩唇臙燕窠醅  
潑銀缸香白醪金釵兩行花月娥脂凝皓腕橫  
秋波彈絲吹竹發清歌屢舞柘枝影傴僂旅進  
三爵顏微酡醉歸洞房側弁俄象牀流蘇鈴索  
拖嬌姬當夕眉黛螺笑回嬋娟見微渦褥絺鴛  
鴛眠綠荷九疊池單結繡絢小猊壓角璫列磨  
燕寢香凝雲錦窩流光去人一擲梭詰朝零落  
歸山阿牛羊下來夕露多春夢婆柰爾何

潘海痴

潘海痴髮離披行年五十而無雌踏伏燒營賊

皺眉口不要賞索舖醢三千廣兵帥者誰錯金  
刀頭市上嬉射雉城南夜黑歸大呼城門將吏  
欺歲給巨萬奚以爲

王世貞

汾陽王單騎見虜圖歌爲郭都督作

中興八葉唐成王手挈太阿歸權璫是時吐蕃  
大披猖河隴業已腥冠裳回紇角之蕃益張橫  
氊浴鐵霾大荒其氣似欲吞秦涼令公七尺萬  
衆當親捧紅日騰扶桑九花神虬超欲驤翊翮

貝帶青絲韉令公眼底無豺狼免胄微見鬚髯  
蒼大酋咋指小酋僵兩都香火當復令公片  
語還氊鄉舉觴醕天天爲黃馬毛蝟絳喙不揚  
萬刃立捲三秋霜先聲一夜摧西羌穹廬倒卓  
贊普亡俘兒解辮血洗創朔方以北仍稱唐歸  
來鍾鼓登明堂二十四考黃金方臨淮愧死軍  
容忙田家老奴跽道傍何來樞密開同光後人  
往往誇身強將軍少年鐵裊襠連錢插羽梨花  
槍用如電掣星流芒巴延寶叟黃頭郎愛養死

力同肝腸一葦坐掃千餘皇爲侯此圖侯莫忘  
白茅虎竹出御床還侯太尉邑汾陽

題蔡端明蘇端明黃太史米禮部趙承  
旨墨蹟後效少陵飲中八仙體

君謨郢斷何太工宛若老將藏其鋒卽論草草

無凡踪稽生土木金焉蒙

書家謂蔡  
土偶蒙金

眉山命態

嬌且豐阿環玉膚雙筋紅酒酣斜捲霓裳風爾

曹徃徃論織濃莫云墨豬豬亦龍

書家謂眉  
山墨豬

豫

章骨立兒作翁踉蹌獨上峨眉峰翹足下瞰中

原空不辭墜折蒼藤封襄陽翩翩趨若風錦衫

危帽青驪馳跳盪百戰無衡鋒耳輪躍双足躡

空當時鼎立難爲雄筆塚處處騰秋虹晉鬼夜

哭悲途窮吳興指端天與工墨池墨瀋蟠胸中

燁如威鳳翔岐豐山陰之宗誰大宗王孫隆準

真乃公

寄壽戚大將軍五十

漁陽健兒日懽譁東風融冰作駝酥問誰得此  
造物乎雲臺大將東創胡尺箒提束鞭谷蠡一

書飛去掃撐塗千兵注目鐵如意萬馬回頭金  
僕姑樵紫衫圍麟刻帶茜紅纓挂虎盤符東方  
別獻肅慎砮西域潛輸天馬駒帳下剖符諸部  
曲軍前解辮五單于緋衣將炙紫衣酒服匿留  
犁競前壽彈琴峽口無殺聲挂甲峪頭多息肘  
久傳名姓勒扶桑近道  
君王誇細柳鬢  
經百戰霜不辭心爲孤忠日堪剖矍鑠遠居新  
息上丹青肯落營平後直置鷹揚四十年表君  
奇社能歸否

甲申冬十二月十三日

此詩相心爲王文

蕭入相作

長安東風散木稼德星熒熒照江社五年南陽  
思臥龍一日中國相司馬父老能追弘治日斯  
人豈出三原下卽看凡羽羨葳蕤坐使饑烏亦  
喑啞啞呼諸兒煨榾柮團栾且說昇平話

### 報恩寺塔歌

壯哉宰堵波直上三百尺金輪撐高空欲鬪曉  
日赤浮雲遏不度穿泉下無極鍾山頡頏一片

紫餘嶺叅差萬重碧

高帝定鼎東南垂

文孫憐啓燕王師燕師百萬斬關入廟社不改  
天樞移六軍大酺萬姓悲欲向罔極酬恩私阿  
育王家佛舍利散入支那有深意中夜牟尼吐  
光恠清晝琉璃映纖碎

帝令攝之真塔

中寶甕嚴供蜀錦蒙諸天悉憑龍象擁千佛趺  
坐蓮花同匠師琢石細於縷自云得法忉利宮  
亦知秋毫盡民力謬謂斤斧皆神工波旬氣雄  
佛緣盡紺宇雕闌銷一瞬烏芻額爛走不得韋  
馱心折甘同燼海東賈客莫浪傳此塔至今猶  
巋然老僧尚誇護法力永寧同泰能幾年

### 高皇御槍歌

臣自守太僕於午門之五鳳樓恭覩  
文皇帝御用槍槍有號帶退  
而作歌蓋十有三年矣旣而起家南  
司馬復於故宮之五鳳樓恭覩

高皇帝御用槍凡二大者幾盈握  
修可丈六尺疑卽用以步戰者也小

者修殺四之一圍殺亦如之疑所謂  
馬稍也滁和之間蓋無日不親御焉  
武昌而後不復自將矣此槍樹之御  
座右以示子孫母忘王業艱難嗚呼  
休哉臣不敏復作一歌而年老才盡  
有愧於舊多矣

真龍魚服事假王當時四海一滁陽  
椎鋒跳盪無前敵馳射威神不可當  
猊鎧淋漓染胡血蛇矛天矯盤秋霜  
此矛大細凡二柄用之掣電舒神光  
橫驅鐵騎掃建業直擁舟師下武昌  
登壇拜帥徐與常始握中權不自將  
按圖一詔制萬里挾箠兩兒鞭八荒  
羽書絡繹報宣捷虎殿委蛇進講章  
干戈倒載三十襖禮樂明備同軒  
皇玉几親憑誨孫子艱難往事母輕  
忘蟠螭小架二矛立儼置五鳳樓中  
央和弓垂矢俱辟易禹謨舜典同輝  
煌馬上得之馬上治陋哉漢主胡弗  
詳平城七日脫餒鬼猶向沛兒驕故  
鄉嗚呼何必猛士守四方



徐學謨

佛牙行 有序

佛牙者孱陵二聖寺所藏形模詭異  
香氣襲人亦一神物寺僧持以示余  
因念此地屢被水厄室廬蕩析乃今  
寺與佛牙獨無恙當必有呵護之者  
書此

孱陵佛牙如掌大妙香伴供彌陀座雕龕瓊護  
幾百年相傳辟支此蟬蛻貞元佛骨竟何如天  
子親迎走使車世間神物無相識不遣孤臣有  
諫書

白螺行

時景藩索課於此苛甚民無寧字可念也

風吹巫峽江如簌何者一螺當江坐勢壓水口  
抵齧崩沙脊嶙峋橫伏馱螺邊人家泛估船得  
魚買鹽撐日過去年水滄車木堤滿縣漂衝失  
耕作官府有差無處派翻視白螺為奇貨紛紛  
下帖迎上司白日索夫夜巡邏可憐殘子苦無  
皮忽傳使者收門課門既有差地有租此額更

從何處科生血迸地不得收爺娘妻子忍遷播  
輸錢猶可輸命難偏側乾坤幾穩臥魯門爰居  
知避災眼前世事堪一唾老蛟跋浪白鱣泣賤  
夫只恐滄江破

頭陀生行 并序

頭陀生者故遼藩弄兒國亡後祝髮  
入道爲襄陽遷者所得余哀其窮釋  
焉作是篇

江陵昔日重驩宴侍兒俱在方華殿酣歌那省  
風愆篇狎比貪看佞幸傳是時頭陀生幾年鬢  
雲繚繞垂兩肩宮娥望幸不得前衆中一身當  
三千長秋翻結齊紈怨綺閣偏承剪袖緣自謂  
穠華可長久狂飈忽集章臺柳天上纔飛司隸  
章宮中已授邪臣首白馬盟寒帶礪空黃龍識  
應狐狸走六王之鬼餒不舖曳裾賓客爲鉗徒  
頭陀何物么麼者飛身化作崑崙奴袖間金錯  
一七首腰下赤羽雙僕姑禁門躍出青天杳白  
日重關失萬夫回頭慟哭下宮血當年嬰白誰

存孤折却七首揮僕姑吾儕小人何爲乎往日  
紅顏堪一擲行雲過眼湘江碧黃金散盡舞臺  
傾青鬢悞身真可惜轉盼君恩不到頭并刀斷  
送舊風流欲尋雲外龍堂寺不覺秋深燕子樓  
浮生如露亦如電流浪年光颯飛箭傷心莫話  
轉春鶯埋骨堪投定惠院場來何事逐紅塵猶  
是從前一幻身香飄膩玉侵羅帑淚泱泱流波濕  
漢津紫盃白衲強裝束伶俜還帶雙蛾蹙階下  
低頭望使君十年前是荊州牧昔日亡陳怨麗  
華至今遺恨後庭曲不信兒曹生禍胎後來國  
事誰傾覆奏還識聖恩寬讞書終貸伶官戮  
世上全身湏馬蹄江濱何處藏魚服西方本是  
再生天金輪轉出迷魂獄故國淒涼莫嘆嗟飄  
零行脚向天涯縱然未了三生債更望何門認  
主家

李襲

隔江望潛江

大江汨汨來何窮漢武射蛟江水中波濤閃閃

蕩西日猶疑妖血留腥紅潛嶽峯高隔江滸碧  
館琳宮霧撐柱英風冥漠不可扳曉雨神堂開  
秋鼓

田汝麟

遊空同山歌

空同山乃在涇水之南太白西危峯峭壁與天  
齊上有栖雲千尺之幽洞下有迴流萬折之深  
谿烟岑古木渺無際虎豹鼯鼯白晝啼憶昔軒  
轅帝問道廣成子煮銅荆山下鍊藥鼎湖裏道  
成騎龍飛上天空留玄鶴巢雲烟玄鶴招之不  
可得翩翩四萬八千年我來空同尋僊跡欲索  
玄珠遊無極塵海茫茫何處求山寒日夕空天  
碧

龐尚鵬

偶有異聞作此浩歎

秦廷不信馬如鹿趙高坐法夷三族如何白晝  
人寰中一手能掩天下目峩冠徐步曳長裾儒  
名盜行何勝誅利欲滔天比洪水排山漂木人

其魚

王世懋

賦得岳陽樓送關中劉伯時之岳州

洞庭天下水岳陽天下樓樓懸日月觀水納乾坤  
流昔人憑軒歎孤客今日登樓二千石木蘭  
高擁使君舟山竹聽殘老龍笛樓外歸鴻欲倦  
過到時應及洞庭波君看木葉無邊下何似秋  
風渭水多

許國

爲李寧遠題所藏呂祖圖

邯鄲客舍塵夢足一枕黃梁炊未熟淡黃襪衫  
烏角巾脩髯廣顙人如玉咸通之中曾射策雲  
房邂逅傳丹訣願言混世遊人間掃蕩妖魔三  
尺鐵坐依盤石蔭長松知在蓬山第幾重黃鶴  
九霄驂日月青天一片開芙蓉浪跡風塵弄雲  
水紛紛幻化傳人耳有時吹簫起滄浪有時賣  
藥來城市朱門綉戶狎侯王酒樓茶肆佯清狂  
對面誰知回道士舉頭空望呂純陽鑿閭山高

遼水闊昔年華表空歸鶴虎帥依稀是後身龍  
泉拂拭猶新鏐只今四海淨烟氛閒坐青山玩  
白雲匣中飛劍無勞佩邊廷爲有李將軍

詹仰庇

泛舟山行

霜清木落千山淨溪流十里明如鏡與客相携  
上釣舟中流自在一帆正鷗鷺沙頭狎不飛楓  
林橋畔寒相映停泊登山破曉行烟消日出開  
荒徑杖藜陟巖入翠微剪草披荆窮地勝半榻  
松陰日影移雲深猿鳥空中應科頭一醉君莫  
疑翛然倚樹發清詠詠歌潦倒可忘歸渡口黃  
昏日色暝

黃鳳翔

嚴氏故宅

甲第連雲敞九陌蒲床袍笏填門客輿臺指顧  
猶咨嗟云是故相分宜宅燕巢不改主人非棟  
宇曾入縣官籍此如傳舍閱過賓居者後先威  
翕赫憶昔先皇臨御久樞衡簡眷惟求舊

裏言密札屬耄臣倒竊太阿牢在手王章封事  
立見誅孟佗傾貲印繫肘狡兔舐毫營窟穴鄙  
塢積金埒岡坳朝堂仄目道路憤受恩偏出廷  
臣右一旦太陽陰靄開借劍回天亦快哉父奉  
賜玦子爲戮曩時豪貴成飛埃田園鬻作閭閻  
物珍鏹輸歸內帑財幾與鄧通同餓死那望廉  
頗賓客來君不見房杜謀斷效賢勞後嗣弗類  
伏歐刀馬燧戰功著藩垣居宅終榜奉誠園忠  
勲之臣尚如此何況姦回世接軌後人空自哀  
前人試睹傾軛一齧指

于慎行

雙林寺歌

道旁佛宮誰者築珠樓寶殿橫山麓僧徒指點  
爲予說此寺方成主人逐憶昨十載氣薰天吐  
納日月揮雲煙外廷稍引三公勢內禁親操六  
璽權出入鈎陳留筦鑰笑談甲觀走金蟬建寺  
平侵貴主第施僧直請大官錢輸來多寶堆成  
塔輦盡黃金布作田法宮梵宇何連曼勝地名

區看不斷墓上林園學

九陵祠前樓閣成

雙觀落成牛酒國親供建醮香花天女獻吁嗟  
此寺歎渺小赤刀已欲盈千萬我

皇神

威符

世祖距脫大奸俯地取郭家金穴

入水衡鄧氏銅山歸少府廬兒解玉乞街衢宅  
婦懷簪隨卒虜惟餘此寺在郊原虹梁綺構誰  
爲主珠網空懸梵鐸風青苔目蝕瑤琅雨盛衰  
轉盼那不有幾年翻覆看如許君不見江陵城  
頭土三尺若敖餒鬼不來食一代賢豪此謂何

爾全首領恩亦極

後贈李本寧歌

李君李君汝今坎壈何甚哉七命藩臣二十載  
朝天又奉除書迴憶昔蓬萊開內院翩翩二九  
凌霄漢大者爲相小乃卿君乎鍛羽來何晏當  
代詞塲論作者君及江東兩司馬誤殺人間白  
眼兒輕言侍從無風雅一去承明閱歲年秦梁  
蜀越多遭延道高不容豈有以異哉造物操微  
權我聞柱下之裔多才子白也飄零賀折死今



日得君而三矣君今不夭復不賤又無留滯安  
有此李君李君爲我楚舞我爲君歌歲云暮矣  
將如何天生豪雋必有用如君不信長蹉跎涇  
水一斗泥作爲一斗穀清者受其名濁者食其  
福翹翹常不足碌碌常有餘人者歆其實天者  
寶其虛請君還我凌雲筆我還君家祿萬石

陶允宜

蘄州五產蓋五美也而有五害各爲之

歌

蘄簞

簞出蘄州世所無黃金青玉交芳敷五月六月  
瘦骨枯七尺八尺胡牀鋪肌膚凝滑氣息蘇恍  
坐冰閣眠冰壺皇都炎熱逾江湖貴臣催簞如  
催租民情誰語州大夫

蘄艾

七年之病三年艾起死回生人所賴芘芘白葉  
功爲最所喜風乾嗔日曬麒麟山上王城在索  
取其中却其外出入頗煩闡者怪何時斷種出

野菜火病筆痕兩無害

斲蛇

花虵方頂尾甲指捕者剖腹投之水自脫腹胃  
淨如洗大如竹箭長尺咫能却風孳化食痞方  
其出穴疾如駛偶遭毒吻人立死我節食飲慎  
眠起諸邪不侵病良已

斲州竹絲

城中百器貴竹絲巾笥硯篋酒尊觴高者投壺  
大盤匱薄如片紙細如髭膠膝為骨金為姿手  
劈心算無停時輕價重價寧敢辭但無踐踏無  
鞭笞斲水斑竹今何為

斲龜

千年綠龜小且奇大者象栗象圍棋甲冑凜冽  
毛毳毳瀟瀟時有清風吹置之盆水生漣漪蚊  
蠅遠避塵自離壁頭牀足兒曹嬉不飲不食長  
如斯求之艱難誰得之

既作斲州五歌客有稱麻城鷺黃陂葛  
者再為二歌

麻城鵞

麻城鵞品光州右前如鴨雛或如鰕餌以膏梁以菘苳肉色紅鮮滋味厚取之爲鮓進元后八珍九釘同稱壽近年黃州失耕耨一鵞之肥幾人瘦黃庭換字言何謬

黃陂葛

楚人種葛不種麻男採女績爭紛拏黃陂所織尤精嘉光潔勻細眼不斜皎如白苧輕如紗進之內宮傳相誇雲綃霧縠無光華價值減少尺幅加織者十家逃九家

謝杰

死馬行

月月橋門進草束千束萬束猶不足朝朝死馬出橋門五匹十匹紛相屬馬草日進馬日饑馬饑日死人日肥圉人圉人焉用爾輩爲草行上草將錢買豬行領馬作肉賣賣馬肉輸馬錢馬死何能值幾緡賣豬豬錢未得到前馬未償後馬倒草行轉向圉人却買死馬草明朝又進橋

門道

馮琦

燕然行

石鄰鄰草斑斑邊城五月如秋寒渺渺平沙幾  
千里天風吹暗燕然山燕然山下臨大虜旁有  
兩人相對語握手長嘆淚如雨一人自言出門  
時牀頭妻子牽衣啼桁上無襦釜無糜君今早  
出何時歸且復搵淚一慰之投劍仰天自歎邾  
朝役鎮城南莫抵鎮城下聞說派尖下復道散

夷馬已知饑寒棄原野倉皇骨肉忍相舍一人  
欲語還囁嚅回頭看有行人無一從互市不備  
胡但備將軍營內呼營內呼何時已君亦大從  
容復欲念妻子奔走無小休何暇問生歿中夜  
歸來且自喜寧知明日復爾爾丈夫生死會有  
時恨不一死驕胡壘倉卒有語難具陳不敢久  
立當通津夜來同望關山月應照關前灑淚人

觀燈篇

帝握千秋曆天開萬國歡鶯花周正月燈火漢

長安長安正月璇璣正萬戶陽春布天令新歲  
風光屬上元中原物力方全盛五都萬寶集燕  
臺航海梯山入貢迴白環銀甕殊方至翡翠明  
珠萬里來薄暮千門凝瑞靄當天片月流光彩  
十二樓臺天不夜三千世界春如海萬歲山前  
望翠華九光燈裏簇明霞六宮盡罷魚龍戲千  
炬爭開菡萏花六宮千炬紛相似星橋直接銀  
河起赤帝真乘火德符玉皇端拱紅雲裏燈烟  
散入五侯家炊金饌玉鬪騎奢桂燼蘭膏九微  
火珠廉繡幌七香車長安少年喜賓客馳騫東  
城復南陌百萬縱博輸不辭十千沽酒貧何惜  
夜深縱酒復徵歌歸路曾無醉尉訶六街明月  
吹笙管十里香風散綺羅綺羅笙管春如繡窮  
簷蔀屋寒如舊誰家朝突靜無烟誰家夜色明  
於晝夜夜都城望月新年年郡國告災頻願將  
聖主光明燭並照冰天桂海人

吳安國

戲作十二辰詩贈定齋

黠鼠作賦君才高妙析義理紛牛毛雄文如虎  
百獸嗥筆鋒殺兔飛霜毫南陽龍臥誰能料失  
意翻爲蛇蚓笑君誇倚馬人盡驚我愧亡羊衆  
成謂君不見沐猴而冠矜里閭壯士獨舞雞聲  
餘又不見長安俠少競走狗菑川老儒仍牧猪

滴水巖歌

滴水巖在歸化縣東北五里玉華洞  
在將樂縣南十里滴水以敞勝玉華  
以幽勝然以玉華視滴水奇勝不啻

倍之予幸以使事過此與窮其勝真  
僊棲之極境神臯之詭觀目眩心怡  
襄徊忘返不知此身復在人世孰謂  
世外更有十洲三島邪案牘倥偬欲  
賦未暇也作滴水巖玉華洞二歌

疊疊青山青未了萬木陰森一溪遶峭壁徐塞  
薜荔深幽巖忽破烟霞曉振衣直上九千仞不  
見行人見飛鳥僊源朗豁僊之家石尖幻出雙  
蓮花蓮花之水滴不斷游人久作天漿誇天漿

一吸百歲生誰其渴者思金莖歸雲半帶晴雨  
濕萬壑瀉盡冰壺清洞門雙鎖豁衍曲三柱高  
懸削寒玉欲將靈境標崑崙不必飛來自天竺  
洞中鼓磬傳虛聲颯然天籟空山鳴天風漸扶  
兩腋上騎鶴更聽緱山笙飛橋側傍龜鼉跨危  
柯倒挂猿猱下空餘流水日潺湲莫記桃花幾  
開謝鴻濛窈窕別有天蒼翠亂落層崖巔珠簾  
暗透石門靄丹竈盡沒青苔烟杳然欲出在何  
處我醉且借仙床眠仙蛻飄飄白雲隱那爲復  
有僊人影餐霞漱石齒還礪撥霧凌虛骨猶冷  
偃蹇偏能憶桂叢浮沈轉自憐萍梗徘徊下山  
歸騎嘶峰頭日近崦嵫西欲窮勝概不可得聊  
記歲月留新題

玉華洞歌

朝行訪名山暮行訪名山垂藤翳絕壁蒼翠數  
里間石梁斜度石門窈中有仙境非人寰列炬  
分行叩玄宇側足褰裳共偃僂芒鞋亂踏壑底  
雲巾角時沾洞中雨勝跡窮搜此一時蘚刻糝

糊已千古恠石林立多仙蹤峻嶒鐫削疑鬼工  
山人對我強名狀神奇瑰詭何能窮清如瑩冰  
雪秀若攢芙蓉青冥蔽日月合沓開鴻濛紛疑  
下幢蓋與復成房攏雙巖踞虎穴一柱擎鰲宮  
九轉伏丹火三芝披紫茸寒潭俯瞰不見底中  
有黑水藏癡龍玉局堪彈玉琴撫左撞洪鍾右  
考鼓宛聽鈞天饗帝臺一觴消盡人間苦嗒然  
萬籟歸空冥耳畔只聞流水聲探奇不惜竟遐  
阻磴道斗絕昇天行五城樓閣破杳靄不信海  
外爲蓬瀛懸崖亘天闕石罅排雲扃巨靈擘高  
掌神嶽潛真形竦身跳玉壺拂袂朝紫京坐令  
耳目駭頓覺心魂清盤旋幽眇逕欲絕峰頭一  
竅天微明山光樹影尚恍惚半空隱隱天雞鳴  
丹梯更凌一萬丈須臾忽出飛鳥上蒼茫疑雨  
復疑晴疊嶂迴巒盡相向山高日落歸路賒隔  
林鼓吹驚棲鴉洞門深鎖不知處回首一望空  
烟霞何當便棄羶羶食長與僊人采玉華

屠隆



韓蘄王花園老卒歌

中原胡沙漲天起汴城日落大旗靡翠華北去  
泥馬南坐擁西湖衣帶水蘄王徒步起行間百  
戰馳驅劍光駛金牌晝飛玉塞昏獄書一成岳  
侯死王也搯腕氣衝冠烏盡弓藏痛唇齒飄然  
角巾歸西湖自號清涼老居士湖邊花園春色  
妍亭亭百花紅燒天守園老卒鬢髮短白日閒  
就花陰眠蕉鹿啣啣蝶栩栩石頭爲枕苔爲氈  
黑甜正熟履綦響王來蹴起始矍然頭顱若此  
隙駒過長日如何只高臥相公勿輕灌園人涓  
濱垂釣淮陰餓龍泉補履鎌刈葵閒却英雄無  
事做王嘆此叟何氣豪與爾十萬金錯刀青雀  
樓船貫月上紅牙歌吹過雲濤少女如花雜賓  
從鬚鬆白髮照錦袍口銜叵羅海霧捲手揮如  
意江風騷酒酣指點桂帆去鳴笳疊鼓凌波濤  
夷王倒履迎上客匝地氍毹布瑤席光生珠貝  
鮫人探寒透冰綃龍女織趙氏璧玉連十城石  
家珊瑚高數尺歸來大扁蘄王欣豪傑計倪少

伯倫胸中之奇聊一見遊戲仍臥花陰春吁嗟  
乎尉遲微時會鍛鐵王猛不遇行負薪塵埃物  
色古所歎從此不敢輕相人

虞淳熙

西井行

山光入門蒼鼠驚廢蕪蝕地薜賚榮落枳飄瓦  
交縱橫黃芽雪壓出古瑩云是

文皇之

麗卿一枝玉艷輕瑤瑛椒煖蘭香梵曲聲如天  
如帝笑飛瓊鳳文雙鳥歸無名金支拂天渝北  
平斗南天盡苦遙征饒歌朱鷺音淒清輶輶車  
冷垂寒旌臺前作伎駕不行君王冥路通幽情  
金燈中宵朝玉京神來月出山鳥鳴誰披女蘿  
騎虎迎於今寂寞寥天明方相夜散束芻兵鬼  
火無烟炊死莖長陵春日聞金鉦可憐芳  
俎流塵生張朱廟裏封大牲好德遠色城無傾  
長城短處鄰寶城築之登登誰敢爭

袁宗道

元宵

獨倚寒簷看明月月穿凍枝射衣白火彈捎天  
聲吒吒猛省今夕是元夕六衢今日人如蟻到  
處筒花吐金盞三更烟滅游人歸月洗天街淨  
如水筒花開謝何匆亟馬上看花人嘆息不知  
花笑看花人轉眼豪華也銷歌白蘇居士大耐  
酸菜盂粥椀坐團圞木檠瓦缸光爛爛不須更  
買彩燈看

劉黃裳

邯鄲行隨張使君肖甫出獵

使君按節邯鄲城遊子邯鄲意氣生相從射獵  
西山去城中少年來縱橫紛紛罷擲博場裏追  
呼雲集黃塵壘白馬連環響夜霜凋弓香箭明  
秋水使君紅旗山上麾我正揚鞭馳繡羈馬度  
長橋翻凍雪箭穿枯柳斷冰澌山頭北風吹草  
急道上豺狼向人立少年隨我拍青絲一箭雙  
狼死原隰使君懽動弄金杯疊鼓鳴笳錦帳開  
八郡良家驅虎落三河俠客奮龍媒邯水鄲山  
冷朔雲趙舞燕歌空古墳海上惟懷魯連子城

中還憶平原君加禽逐獸無窮已西山銜日牙  
旗紫使君夜獵入孤城城上寒鴉栖復起散騎  
黃昏度狹斜滿樓燈火宿倡家稍將血兔床頭  
煮臥聽銀箏醉雪花

題李小將軍畫

畫山何得用金碧李小將軍創其蹟風落秋屏  
冷翠峰千山空斷黃沙磧近來僅數仇十洲筆  
灑雖工損氣格當年傳說我

文皇北征

直擣陰山傍群山疊嶂出玄漢碧色金輝照人  
面馬上大叫龍顏喜世間山色無如此天開圖  
畫北海間李小將軍筆灑是乃知將軍之山有  
所傳不是堆金積碧爲空岫吾觀此幅將軍真  
璫樓朱薨秀水濱綠松片片皆龍鱗筆筆斧出  
青嶙峋將軍至此將千年生氣猶存飛紫烟堂  
中風吹山欲動耳邊瀑瀑鳴湫懸樓中之僊身  
似鶴金銀臺峭明珠箔蓬島能移席上開雲霞  
攬取尊前落鄭谷才高類此峯邀余把酒弄山  
松披髮若坐翠山裏海上群僊爾定逢

黃喬棟

桃葉渡

淮上年年桃葉飛津頭行人何處歸春來潮水  
幾深淺舊時桃葉今是非秦淮南畔青樓道樓  
中顏如桃葉好借問遊人屢經過涼風幾度傷  
秋草

鄧原岳

儀真道中見桃花盛開感而賦之

偏側復偏側行盡江南又江北二月桃花爛熳  
開燦若朝霞弄春色今年苦雨花較遲江北不  
如江南時但願春風隨轉轂到處花開絆馬足

陳邦瞻

閩都行

我來訪古入閩關浩歌遠上越王山越王山色  
長不改越王宮殿今何在當年龍虎鬪長安沐  
猴空笑楚人冠英雄事定爭裂土南海威儀盡  
漢官時移物換幾千年冶城風景日芳妍山河  
總入黃圖盛關塞誰言霸氣偏三條五劇如繡

錯繁華端不讓京洛年少遨遊學五陵朱門冠  
蓋如平樂釣龍臺畔春未央浴鳳池頭花柳香  
荔子夏丹長奪日榕陰冬綠不經霜四時士女  
多袷服百年時世有新粧還聞海俗爭雄利戲  
沓鯨波如履地快楫年年五島行奔帆夜夜雙  
洋至蜀錦吳綾恣輕裝夷琛蠻賚成歸市珊瑚  
不數鬪石高香氣那驚偷韓異以茲佳麗擅遐  
陬寶馬鈿車似水流自信烽烟長絕警自言歌  
舞不知愁馬援何須銅山柱張騫但問乘槎處  
閩水常疑天漢通閩山日射扶桑紅莫愁世事  
有陵谷莫嗟雲雨多翻覆好聽欄街兒女歌絕  
勝玉樹江南曲

舟次王家渡是新建伯擒寧庶人處感  
而作歌

西山乍捲章門霧片帆遠拂江頭樹春水茫茫  
無岸邊舟人指點王家渡風烟慘淡忽改顏爲  
陳七十年間故  
武皇御極愛遊戲陰雨  
忘作綢繆計離宮歌管常遏雲天下兵戈忽滿

地不獨西北起胡塵果爾東南生反氣仰射寧  
知帝象尊順流擬奮龍蟠勢此時勤王誰最亟  
羽檄奔馳氣悽惻王公慷慨建義旗一鼓江城  
俱動色入穴直探白額兒循江不假黃頭力劍  
氣遙連秋水光樓船俄逐飛烟赤北極祥雲本  
自黃南州殺氛無繇黑河清海宴此一時經綸  
想見艱難日風檣陣馬安在哉江水悠悠江水  
寂說罷沈吟轉自哀目前時事猶可猜蕩然歛  
衽爲溪壑安知不有盜賊生蒿萊窮儒何用憂  
念此濟世自合英雄才古來治亂尋常耳放歌  
聊與雲徘徊

夏相國白鷗園歌

我來葛溪水試問白鷗園路人煩指點彷彿見  
朱門朱門當年手可熱今日池臺鎖空宅桃李  
春風久寂寥梧桐夜雨自蕭瑟憶昔

先

皇致衆賢夏公慷慨獨英年已見片言契魚水  
更思談笑畫凌煙瑣闥獨立何磊落黃閣岩岩  
類喬嶽草䟽動咋涓厓舌奮髯欲折永嘉角勳

名早就鬢未皤丈夫得志可柰何門外金章填  
畫戟後庭玉貌雜笙歌歸來江國愛江沼容與  
含情對鷗鳥草色空憐綠野春鷄聲催候東華  
曉繇來衛霍互興衰何況田竇有傾移遂令漢  
殿賜環日俄見吳門齒劍時蒲堂賓客已非故  
蛾眉流落瘴鄉路烏雀還飛翟氏門牛羊早上  
孟嘗墓百年往事已依稀尚使游人淚滿衣白  
鷗獨是忘機物依舊煙波自在飛

征南行

漢皇昔日議開疆尺箠撻盡西南荒諸夷彈丸  
何足亡直取羈縻同犬羊歷載二百無寧狂誰  
使么麼化陸梁庸蜀江畔腥血沸貴筑城邊白  
骨僵已聞伏波下桂水更遣樓船浮豫章抽兵  
悉配三河士選戍全徵六郡良幕府上將氣如  
虎監軍使者新持斧號令風霆威雪霜滅此朝  
食焉足數塹山湮谷事窮攻密箐叢篁蛇虺中  
頗虞金芻填壑委轉愁瘴癘連營空水上墮鳶  
漸堪憫穴中鬪鼠誰爲雄自昔攻心稱上策思



田憑祥總前轍不然州郡亦良圖張喬祝良今  
豈無收取十萬行營旅東戮鯨鯢北繫胡

弁韜

萬表

閔黎吟三首 有引

淵叅政平崖錢公出按四明會予於  
舟中談及征黎事悲動顏色且示以  
閔黎諸咏惻然傷懷因而有作

地何產枏與速吾何畜豕與犢豕犢盈盤吏反

嗔枏速窮年束不足但願黃金滿粵南寧使黎  
田不盈粟粵南金多吏不索黎田粟少人未哭

刻箭爲約安得銷

黎人借錢無  
約刻箭記之

歲歲生當剝吾

肉負戈因拚一命償嗟嗟黎人誰爾牧皇章惠  
爾非爾毒

虎兕來猶可奔狼師一來人無存大征縱殺玉  
石焚昔人鵬勦只一村鵬勦功成賞不厚大征  
廕子還廕孫殺一不辜尚勿爲何況萬骨多冤  
竟願君爵賞母苟貪但以三槐植爾門

鑿而飲耕而食撫黎何事來相逼

舊設有撫黎老人

瘠

牛可畊豈不惜薑水那堪吞滿臆

撫黎逼黎人之財則以薑

水灌之

遙明燈火忽驚疑一望旌旗我心惻

撫黎至黎

則明燈揚旗以往

群黎草木豈有知貪吏腴削無休息

攻掠犯順誰所為撫黎毒黎還毒國南征稍喜

平崖公殲掃惟悲不為德

李言恭

渡黃河

濁流直下三門來一瀉萬里何雄哉飛浪紛紛

懸瀑布驚濤滾滾鳴春雷聞出星宿尚微細奔

入榆關薄雲際排空浴日白晝寒龍宮鮫室知

何處片帆搖曳過徐州兩岸青山遠若浮銀潢

天上如相接且自乘槎問斗牛

陳第

塞外燒荒行

有序

薊自嘉靖庚戌虜大舉入犯至隆慶

丁卯一十八年歲苦蹂躪總兵凡十

五易自隆慶戊辰南城戚公實來鎮

薊時總督者二華譚公也至萬曆壬午一十五年胡塵不聳民享生全極矣乃論戚者謂不宜于北竟徙嶺南嗟夫宜與不宜豈難辨哉作燒荒行以寄於悒

年年至後罷防賊出塞燒荒灤水北寒風刮地人骨開凍雪連天馬蹄仄枯根朽草縱火焚來春虜騎饑無食雷動千峰劔戟橫日搖五采旌旗直揚威士卒不憚勞安攘闔外臣子職君不見嘉靖中年虜反側東西合舉犯中國潮河潰入逼郊圻九門盡閉嗟何極天子震怒

斬司馬遂召諸道防薊域朝廷建議設督臣歲歲侵掠勢愈棘督撫誅夷并謫戍生靈荼毒慘傷盡於時總鎮任實艱暮改朝更徒唧唧又不見隆慶二載譚戚來文武調和費心力從前弊政頓掃除臺城兵器重脩飭迄今一十五年間閭雞犬獲蘇息譚今已死戚復南邊境危疑慮叵測患難易共安樂難念之壯士摧顏色論

者不引今昔觀紛紛搜摘臣滋惑

韋布

趙汭

楊行密疑塚

荒郊石羊眠不起枯塚纍纍各相似海陵冤骨  
無人收豈有兒孫來擘紙幾堆空土放曹瞞百  
戰江南帝徐李龍山突兀表忠祠至今父老思  
錢氏

劉績

題宋院人畫盤車圖

大車盤盤牽不住小車碌碌推還去上阪下阪  
日千迴不離太行山側路吳鹽蜀米塞蒲箱烏  
犍耳濕筋力強商人重貨不畏虎飯牛夜夜宿  
牛傍妻孥不須念行旅橐中有金皆樂土星食  
露櫛逐隊行但願利多無所苦道傍往來多折  
軸誰人肯戒前車覆

沈周

莫砮銅雀硯歌

有序

草窓劉先生嘗賦銅雀硯歌有云呼  
兒開匣取長劍碎碎慎勿留其蹤讀  
之知先生疾搦之心發之於言若是  
之烈也周懦夫不能不失聲於破缶  
故作詩解其怒而願有所存也

拔劍碎瓦瓦碎何用斫碎於瞞莫爲輕重不如  
掣取太史筆青竹中間削其統欲瞞春秋公議  
所在人焉瘦瓦痕雖留漢正朔心實無漢虛尊  
周願存此瓦長作硯猶因子墨點瞞面漢賊明

將漢法誅千載烟華漬深譴古云不以人廢言  
言存此瓦亦可存識賊鑿亂於人臣瓦無可惡  
惡在人嗚呼莫將人瓦併案罪我爲題詩救其  
碎

試晬歌題趙魏公畫

楊花拋銀春滿盆乳嬰擊湯蘭氣溫沐珠澡璧  
試新晬翠羽掩風敷顛門璣瑜暖坐麒麟玉阿  
婆綺語高堂祝綠弓彤管看探時一握笑聲愚  
智卜君不見九齡九鶴夢先知天自降生天自

奇

盒子會詞 有序

南京舊院有色業俱優者或二十三  
十姓結爲手帕姊妹每上節以春檠  
巧具殺核相賽名盒子會凡得奇品  
爲勝輸者罰酒酌勝者中有所私亦  
來挾盒助會厭厭夜飲彌月而止席  
間設燈張樂各出其技能賦此以識  
京城樂事也

平樂燈宵鬧如沸燈火烘春笑聲內盒匿來往  
鬪芳隣手帕綢繆通姊妹東家西家百絡盛裝  
殺釘核春滿檠豹胎間挾鯉冰脆烏欖分剗柳  
玉生不論多同較奇有品裡輸無例陪酒呈絲  
逞竹會心歡哀鈔裨金走情友闋堂一月自春  
風酒香人語百花中一般桃李三千戶亦有愁  
人隔墻住

唐寅

把酒對月歌

李白前昔原有月惟有李白詩能說李白如今  
已仙去月在青天幾圓缺今人猶歌李白詩明  
月還如李白昔我學李白對明月月與李白安  
能知李白能詩復能酒我今百盃復千首我媿  
雖無李白才料應月不嫌我醜我也不登天子  
船我也不上長安眠姑蘇城外一茅屋萬樹桃  
花月滿天

妒花歌

昨夜海棠初着雨數朶輕盈嬌欲語佳人曉起

出蘭房折來對鏡比紅妝問郎花好奴顏好郎  
道不如花窈窕佳人見語發嬌嗔不信歿花勝  
活人將花揉碎擲郎前請郎今夜伴花眠

陳蒙

京城游俠詞

簌金鎖甲龍鱗黃寶盃鳳翅緋纓裝琯弓開弦  
箭飾羽繡鞍玉勒爭輝光虎頭團牌蒙古篆日  
高退直麒麟殿官銀賞出富京娼御酒頒來設  
家宴功勳買得錦衣郎足跡何曾到戰場聞道

西戎肆猖獗倩誰生縛左賢王

傅汝舟

我生行

我生不死命在僊從師遠岳方來旋皇天未許  
斬蛟鱷腰蟠龍劍徒躡躑塵心洗盡五湖月意  
氣散作六合烟塌來人間四十年布袍高格惱  
市廛羞稱歲星謫下土誰道許令長後賢漳濱  
老子舊令尹幾歲相識梅溪邊歌鍾秀水動豈  
料大笑箕踞當瓊筵酒酣吳松誇星命指卿指

相大醜妍勸我不合甘雲泉玉禾且輟鍾山田  
吳松吳松聽我言君不見明時治曆四海傳日  
至歲差過千載司天觀星多失躔正德戊寅三  
月建小大己巳庚午朔晦遷毫釐叅錯繆恐千  
君不見五星宮次本贅牽堯舜之世實不然何  
况邇來星變不似前撒沙百萬赴海死妖彗三  
掃誰咎愆我命當自造古人徒可憐洛閔一行  
聖皆死邪律子平巧莫全富貴豈真我輩設魚  
鱉要救生人懸功成便放壺中鶴會自扶搖上



九天

錢文

題吳小僊鍾馗戲筆

綠袍捕鬼嚼鬼肝銅聲剝剝秋風酸壯哉其神  
何赫赫遊戲猶能衛宮掖小仙圖形端爾笏萬  
歲千秋鎮家宅

俞允文

送鄔駙馬獻壽還京師

鄔名景和以不奉世宗玄撰

逐被

將軍風骨無塵容十六尚主明光宮是時

天子多隆眷殿頭騎出浮雲駟高門甲第連朱

邸寶蓋香車若流水時傳賜予出金銀鸞簫鳳

管天中起鳳管鸞簫散綵烟平陽歌舞歇芳年

天子重憐禁鸞婿承恩日日去朝天此

日恩華真莫比願得捐驅報

天子批鱗

一諫世莫知自言臣罪當誅死去國三年秋復

春拂衣長嘯謝時人苦心徃徃申長句古意時

時追隱淪興來每汎清江曲復得尋山偏春谷

紛紛磻戶百重花寂寂雲房一藜竹磻戶雲房  
非世情丹砂可學幾時成清都咫尺九天上又  
欲騎龍朝帝京帝京迢迢三千里獨抱丹心未  
能已龍顏會解自有時時來不得推眞理衰榮  
反覆本無端自是如天法令寬聞道彤庭初獻  
壽春風幾日到長安

朱察卿

荆軻

七首無功壯士醜函封可惜將軍首秦庭一歎  
謝田光社稷何曾記存否不知秦王環柱時舞  
陽在前何所爲當時太子不早遣待客俱來應  
未知

王叔承

鐵笛歌

有序

陳生楫家本武昌始祖以開國功官  
海上祖有鐵笛名鍊龍失之且二百  
年矣有客自海上持來生解裘贖之  
制古聲冽因沽酒弄梅花調余歌焉

武昌老笛名鍊龍洪武之間來浙東江湖萬里

忽相失當時哭死陳家翁流落人間二百秋蒼

龍化去青天愁子孫累世覓宗器漢家寶劍周

天球或言樵李豪家得夜夜龍光射南極十年

空費陳生心購問慙無萬金直一朝海客持相

換生脫貂裘婦釵釧合浦重歸明月珠精魂似

識先人面太古琅玕輕欲折孔竅參差頭尾裂

丹砂錯落水銀花苔痕蝕盡并州鍊薄如藤紙

枯如木燈前三弄秋聲感萬點梅花灑席寒夜

半空山扣哀玉羗兒虎踞鳴塞鴻怪蛟人立吹

烟竹憶昔汝祖浮洞庭瀟湘片月開黃陵純陽

真人坐黃鶴漢江綠酒傾瑤瓶飄然將笛下東

海鍊龍聲斷江風腥汝今與笛竟何適楚水吳

山愁客星汝祖從戰鄱陽瀆佩刀曾佐

高皇勲歎汝飄零把孤笛丹青竟作曹將軍半

生我亦懷青蘋袖來不用生龍鱗不如黃鶴樓

前換酒聽吹笛與君醉殺湘江春

沈明臣

山鬼篇題錢叔寶所摹鍾馗移家圖

宙

鬼妻鬼妾鬼糗糗鬼婢鬼僕鬼蓋藏鬼兒鬼女  
鬼索囊鬼車鬼獸鬼篋箱鬼形鬼貌鬼腹腸鬼  
哭鬼笑鬼跳梁鬼語唧唧鬼膽張魑魅魍魎  
與殤髑體虛耗孤與疋結束負戴何所將別營  
鬼窟還鬼方吾聞度索之山近扶桑海外更有  
酆都王汝旣去之弗汝襍急急如律令皇皇老  
馘欽欽勅帝章不用三尺投八荒人鬼異國兩  
相當汝疆汝域汝尚羊汝逍遙兮樂無央送汝  
還兮路茫茫旭日陲挂天蒼蒼

徐渭

陰風吹火篇呈錢刑部

有序

側聞公遠臨江濟普薦國殤補化理  
之不及超沉淪而使脫涓敷揚鮮才  
歡喜無量賦得陰風吹火篇以獻

陰風吹火火欲燃老臬夜嘯白晝眠山頭月出  
狐狸去竹徑歸來天未曙黑松密處秋螢雨煙  
裏聞聲辨鄉語有身無首知是誰寒風莫射刀

傷處關門懸纛稀行旅半是生人半是鬼猶道  
能言似昨時白日牽人說兵事高旛影臥西陵  
渡召鬼不至毘盧怒大江流水枉隔儂馮將呪  
力攀濃霧中流燈火密如螢饑魂未食陰風鳴  
髑髏避月攫殘黍幡底颯然人髮豎誰言墮地  
永爲厲宰官功德不可議

黃克晦

二鸚鵡吟

萬曆三年乙亥余北遊道出九江同

知洪樂卿爲余言曰元年癸酉正月  
二十五日中使自西域取二鸚鵡歸  
一紅一白毛羽鮮麗蓋人所未覩者  
自言踰蜀四載始得之至楚而

穆宗已賓天矣因傷其萬里之徒  
勞二鳥之不遇欲爲之紀咏未遑也  
子其追賦之余曰唯唯

中官鞍馬如乘風馬前屈鐵金雕籠籠中紅白  
兩鸚鵡毛羽人間雙眼空借問使乎何繇得開

口欲言長嘆息昔緣奉旨入巴川因採珍禽向  
西域航水梯空萬里遙窮天絕地四年隔瑞物  
可有那可雙黃金走人人自索性靈聰慧氣和  
柔梵言漢語嬌如流携出雪山雪無色經過錦  
水百花愁漢江石急波如箭只尺雲霄風雨變  
鼎湖龍去可能攀雪涕千行空灑面小臣辛苦  
世豈知二鳥瑰竒君不見不及山雞死道傍楚  
王賞客悲鳳凰

釋衲

釋夢觀

題任少監百馬圖

殿煌水涸龍駒伏未央廡前秋草綠驢駝負石  
玉門關舊苑空餘三十六憶昔  
高皇馬

百疋駒駝車府無監牧只留太僕掌天閑不許  
田鴛食民穀古來貴良不貴多須信儉餘奢不  
足任監手畫百驂騮五色如雲散平陸八月風  
高水草甘飲嚙舒閒肆馳逐騅駟驪黃莫復辯  
水葉風花亂人目任公生遭太平世結思驅毫

宙  
逞神速四海無虞百將閒無乃圖形華山麓吾  
聞善相東門京坐閱群龍眼如燭帛家口齒謝  
家髭皎皎那容在空谷爭如下乘得休安骨相  
雖凡好毛肉杏花烟外柳陰中鞞絡無加飽芻  
粟嗚呼此盡世已稀徒有千金未輕鬻老矣支  
郎俊氣銷撫卷空歌天馬曲

閨秀

劉方

和燕巢

營巢燕雙雙飛天設雌雄事久期雌兮得雄願  
已足雄兮將雌胡不知

郭真順

俞將軍引

將軍開國之武臣早附鳳翼攀龍鱗烟雲慘淡  
蔽九野半夜捧出扶桑輪前年領兵下南粵眼  
底群雄盡流血馬蹄帶得淮河冰洒向江南作  
晴雪潮陽僻在南海濱十載不斷干戈塵客星  
移處萬里外  
天子亦念遐方民將軍高

名邁千古五千健兒猛如虎輕裘緩轡踏地來  
不減襄陽晉羊祜此時特奉

明主恩金

宙

印斗大龜龍紋大開藩衛制方面期以忠義酬  
明君宣威布德民大悅把菜一笠誰敢奪黃犢  
春耕萬隴雲鰲龍夜臥千秋月去歲壺陽戍守  
時下車愛民如愛兒壺山蒼蒼壺水碧父老至  
今歌咏之欲爲將軍紀勲績天家自有麒麟筆  
願屬壺民歌太平磨崖勒盡韓山石

真順潮陽周伯玉妻

太祖定天下嶺南歸附并遣指揮俞良  
肅征諸寨之未服者真順從伯玉居溪頭寨作

命將軍引遮道上之文  
軸壁詩大喜一寨皆全

閩州太守妻宋氏

題郵亭壁

郵亭咫尺堪投宿手握親姑憇茅屋抱薪就地  
旋鋪攤支願相向吞聲哭旁人問我是何方俛  
首哀哀訴衷曲妾家祖居金華府海道曾爲上  
千戶舉艘運粟大都回金牌勅賜雙飛虎兄弟  
晦跡隱山林甘學崇文不崇武今朝玉堂宋學  
士亦與妾家同一譜笄年嫁向衢州城夫婿好



學明詩經離騷子史徧搜攬志欲出任甦蒼生  
前春郡邑忽交辟辭親千里趨神京丹墀對策  
中殿舉馳書歸報泥金名承恩拜除閬州守飄  
然畫舫西南行到官未幾訪遺老要把奸頑盡  
除掃日則升堂治公務夜則挑燈理文藁守廉  
不使纖塵汙執法致遭僚佐怒府推獲罪苦相  
攀察院來提有誰訴臨行囊橐無錙銖惟有舊  
口將去書城中父老泣相送道旁過者咸嗟吁  
一時徵賦動盈萬妾夫自料無從辦經旬苦打

不成招暗囑家人莫送飯嗟乎餓死囹圄中旗  
軍原籍來抄封當時指望耀門戶豈期一旦番  
成空親隣憐妾貧如洗歛鈔慙慙饋行李伶仃  
三口到京師奉旨編軍戍金齒阿弟遠送龍江  
邊臨岐抱頭哭向天姊南弟北兩相痛別後再  
會知何年開船未遠子病倒求醫問卜皆難保  
武昌城外豎坡前白骨誰憐塋青草初然有子  
相依傍身安且不憂家蕩如今子死姑年高縱  
到雲南有誰望八月官船渡常德促裝登途整

行色空林日暮鷓鴣啼聲聲叫道行不得上山  
險如登天梯百戶發放來取齊雨晴泥滑把姑  
手一步一仆身沾泥晚來走向營中宿神思昏  
昏倦無力五更睡重起身遲飯鍋未熟旗頭逼  
翻思昔日深閨內遠行不出中門外融融日影  
上闌干花落亭前鳥聲碎寶髻斜簪金鳳翹翠  
雲蟬鬢蛾眉嬌繡床新刺雙蝴蝶坐久尚怯春  
風饒豈知一旦夫亡後萬里遐荒要親走半途  
日暮姑云饑欲丐奉姑羞舉口同來一婦天台

人情懷薄似秋空雲喪夫未經二十日盡眉重  
娉鹽商君血色紅裙綉羅襖終日騎驢涉長道  
穩坐不知行路難揚鞭咲指青山小取歡但感  
新人心那憶舊夫恩愛深吁嗟風俗日頹敗廢  
盡大義貪黃金妾心汪汪淡如水寧受饑寒不  
受耻幾回欲葬江魚腹姑存未敢先求死前途  
姑身少康健辛苦奉姑終不怨姑亡妾亦隨姑  
亡地下何慚見夫面說罷傷心淚如雨咽咽垂  
頭不成語路傍過者爲酸心隔嶺孤猿叫何許

金夫人

自述

誰云妾無夫妾猶及見夫方殂誰云妾無子側  
室生兒與夫似兒讀書妾辟纊空房夜夜聞啼  
烏兒能成名妾不嫁良人瞑日黃泉下

金夫人章公綸

嫡母也父文寶聘夫人而未婚納妾包氏有姪  
寶疾且死夫人請注視父母不許夫人堅往之  
文寶一見即歿夫人為棺歛之撫妾生子綸親  
教讀書第正統初進士官禮部先欲疏請易儲  
恐貽母憂夫人聞之曰吾平日教爾何為汝能  
死課吾雖為官婢無恨也綸上疏忤  
杖幾死禁錮詔獄夫人怡然天順二年復官得  
終養

陳氏

陳少卿妻少卿寵妾棄氏于家有詩

寄夫

野雞羽毛好不如家雞能報曉新人貌如花不  
如舊人能績麻績麻做衫郎得着眼見花開又  
花落

皇明文徵卷十四





